

<p style="text-align: center;"><b>BARAÑAINEN JARDUERA SOZIOKULTURALAK ANTOLATZEKO 2017ko DIRU-LAGUNTZEN DEIALDIA</b></p>
--

Barañaingo Udalak, Kultura Arloaren bidez, ondoko deialdia ezarri du, jarduera soziokulturalen antolaketa laguntzarren. Deialdiak **20.000 €**, gehienez, eskaintzen ditu. Deialdiak ondoko oinarriari jarraitzen die:

## **1.- XEDEA**

Barañaingo biztanleentzat antolatzen diren jarduera artistiko eta musikalak laguntzea. Herriko talde eta elkarteei parte hartzeko bidea erraztea jarduera soziokulturalak antolatzeko eta urteurrenak ospatzeko. Deialdi honen baitan programen, proiektuen eta jardueren antolaketa lagunduko da; musika, antzerkia, zinea, dantza, argazkigintza, lirika, arte plastikoak, justizia sozialaren baloreak, eta herriko adierazpen soziokultural propioak sustatzen dituztenak., ez, ordea, parte-hartze hutsa, Barañaingo Udalak berezko deialdi ezberdin bat duelako jarduera soziokulturaletan parte-hartzea laguntzeko. Deialditik kanpo geratzen dira irakaskuntzaren esparruko elkarteek antolatzen dituzten trebakuntza-jarduerak ere; diru-laguntzen deialdi berezia baitute horiek ere. Halaber, ez da onartuko jarduera zehatz gisa ekimen gastronomiko bat duten ekintzek sortutako gasturik.

Jarduera guztiak 2017ko abenduaren 31 baino lehenago egin behar dira Barañaingo udal-barrutian.

Jarduerak ezin dute Barañaingo Udalaren beste arlo edo programetako beste diru-laguntzarik jaso. Udalaren zerbitzu ezberdinek eskainitako jardueren ezaugarri beretsuak edo zerikusia duten proposamenek, ez dute diru-laguntzarik jasoko.

## **2.- BALDINTZAK**

Deialdian parte hartzen ahalko dute honako pertsonak eta entitateak:

a) Irabazi asmorik ez duten erakunde eta elkarteek, Barañainen helbidea dutenek eta Udalaren interesekoak diren zerbitzuak eman edo jarduerak egiten dituztenek. Eskerak aurkezteko epea bukatzen denean, elkarteek segidako baldintzak bete beharko dituzte (eta baldintza horiek mantendu diru-laguntza ematen den ekitaldi ekonomiko guztian):

- Elkartearen estatutuetan ezarritakoari jarraiki garatzea jarduerak, esparru soziokulturalean.
- Pertsona juridikoa izatea, legalki eratua eta behar bezala izena emanda egotea Nafarroako Gobernuako Elkartearen Erregistroan eta, kasu bada, Barañaingo Elkartearen Udal-erregistroan.

b) Barañainen helbidea duten pertsona fisikoak, udalaren interesekoak diren zerbitzuak eman edo jarduerak egiten dituztenak.

Horretaz gain, aurretik aipatu diren pertsona fisiko eta entitateek ondoko baldintzak bete behar dituzte:

- Betebehar fiskalak eta Gizarte-segurantzakoak egunean edukitzea, eta hori guztia egiaztatzea dagozkion sinestamenduekin (Foru Ogasuna eta Gizarte Segurantzaren). Barañaingo Udalarekiko betebehar fiskalei dagokionez ofizioz egiaztatuko da hori guztia, behar diren zuzemenei bidez agerrarazita. Era berean, ofizioz egiaztatuko da ez duela zenbatekorik ordaintzeke Udalaren Diruzaintzan. Foru Ogasuna eta Gizarte Segurantzarekiko betebeharrak dagozkion zuzemenei bidez egiaztatuko dira; dena den, ez daudenean derrigortuta betebehar horiei dagozkien egiaztapenak aurkeztera adierazpen arduratsuen bitartez egiaztatuko da betebehar hura betetzen dutela, II. Eranskinak duen edukiaren gisan.

- Aurkeztuta edukitzea aurreko urteetan jasotako diru-laguntzei dagozkien ordainagiri guztiak.

- Barañaingo Udalarekin ez edukitzea sinatuta elkarlanerako hitzarmenik, zerbitzu kontrataziorik edo beste era bateko kontratu edo konpromisorik egitasmoarentzat, zeinetarako eskatu baita finantzazioa. Era berean, diru-laguntzarik ez jasotzea Udalaren beste arloetatik jarduera bererako.

### 3.- ESKABIDEEN AURKEZPENEA

Eskabideak Barañaingo Herritarrak Hartzeko Bulegoan aurkeztuko dira –Kultura Arlorako zuzendurik–, eta **epea 2017ko apirilaren 7ko 14:00etan bukatuko da.**

Egitasmo bakoitzarentzat banan-banako eskabide-orriarekin aurkeztu behar dira eskaerak, entitatearen lehendakariak sinatuta –edo ordezkariak duenak- (I. Eranskina eredu hartuta):

- Elkartearen, entitatearen edo pertsona fisikoaren lege izena, eta IFZ.
- Bankuko datuak: banku-entitatea, kalea eta herria, sukurtsala eta banku-kontuaren zenbakia.
- Eskabidea aurkezten duen pertsonaren datuak: izen-abizenak, NAN, kargua, helbidea eta harremanetarako bidea (telefonoa, faxa, posta elektronikoa).
- Eskabidea aurkezten duen pertsonaren adierazpena sinatuta, zeinetan adierazten baita dossierrean jasotako informazioa zuzena dela.
- Jardueren programaren izenburua, proposaturiko jardura kopurua eta beste hainbat datu, eskaerak bideratzeko I. Eranskina orrian agertzen denaren arabera.
- Jarduera edo programari dagokion aurrekontua, kontzeptuka bereizita beti.
- Jarduera edo programari dagozkion finantzazio eta hedapen planak.
- Elkarrekin dituen laguntza edo diru-laguntzen eta diru-sarreraren berri ematen duen adierazpen zehatza, eta, horrelakorik ezean, inongo laguntzarik jasotzen ez duela adierazten duen aitortpena. Halaber, lehenagotik laguntzarik eskatu baldin bada eta deialdi honetako eskabidea aurkeztutako momentuan oraindik erabaki gabe baldin bada, hori ere adierazi beharko du.
- Betebehar fiskalak eta Gizarte-segurantzakoak egunean dituela egiaztatzen duen ziurtagiria (Foru Ogasuna eta Gizarte Segurantzaren), baldin eta derrigortuta badago aipatu betebehar horiei dagozkien adierazpenak edo agiriak aurkeztera.

Agiriak originalak edo konpultsatutako fotokopiak izan behar dira. Eskatzaileei 10 eguneko epea emanen zaie, gehienez ere, jakinarazpena jaso eta biharamunetik aitzina, aurkeztu gabeko agiriak aurkezteko edo egin diren akatsak zuzentzeko. Hala egiten ez bada, epe hori igaro ondoren eskaerari uko egin zaiola ulertuko da.

#### **4.- BALORAZIOA**

Kultura Arloko Informazio Batzordeak espedienteaz aztertuko du eta Tokiko Gobernu Batzordeari proposatuko dio diru-laguntza onartzea eta hura ordain dezan, aurretik Kultura Arloko zerbitzu teknikoek emandako txostenarekin batera eta Udalaren Kontuhartzaileak fiskalizazioa egin eta gero.

Aurkeztutako proiektuen, jardueren eta programen balorazio teknikoak ondoko atalak izanen ditu kontuan:

#### **EGITASMOA OSATZEN DUEN JARDUERA KOPURUA, guztira, 40 puntu:**

4.1.- Proposatutako jarduera kopurua: Egitasmoan aurkeztu diren jarduera artistiko –zeinak bultzatzen baitu musika, lirika, antzerkia, zinea, dantza, argazkigintza, arte plastikoak, justizia sozialaren baloreak edo herriko adierazpen soziokultural propioa- bakoitzarengatik 5 puntu. Gehienez ere, 40 puntu.

#### **EGITASMOAREN KALITATEA, guztira, 20 puntu:**

4.2.- 10 puntu, baldin eta egitasmoak biltzen dituen jardueretan kultura arloko profesionalak (idazleak, musikariak, antzezleak, argazkilariak, etab.) parte hartzen badute.

4.3.-10 puntu, baldin eta egitasmoa gauzatzeko herrikoekin partaidetza prozesuak bultzatzen badira.

#### **PROIEKTU GAZTEA, guztira 10 puntu:**

4.4.-10 puntu herriko gazteen parte hartzearen helburu edo jarduerak egiten diren.

#### **EGITASMO ERABERRITUA (GAUZATZE MAILAREN % 50ean) edo ERABAT BERRIA UDALERRIAN, guztira, 10 puntu:**

4.5.- Eraberritzea eta berria sortzea: % 50ean eraberritua dagoen egitasmoagatik 5 puntu (%50 baino txikiagoa baldin bada ez da punturik izanen), eta udalerrian erabat berria den egitasmoagatik 10 puntu.

#### **PARTAIDETZA EGITASMOAN, guztira, 10 puntu:**

4.6.- Jarduerak herritarrengan izandako eragina (10 puntu). Eragin txikia izan badu (gehienez ere 20 pertsona arte bilduta), 3 puntu; erdi mailako eragina izanik (gehienez ere 100 pertsona arte), 7 puntu; eta, 10 puntu parte-hartze jendetsua eduki badu jarduerak.

#### **JARDUNBIDE EGOKIAK, guztira, 10 puntu:**

4.7.- Elkarte edo entitate antolatzaileak duen parekotasuna haren antolamendu egituran (5 puntu). Parekideak diren taldeei 3 puntu emango zaizkie, eta, martxan jarri duten egiaztatutako jarduera onuragarri bakoitzarengatik puntu 1; eta, gehienez ere, 2 puntu.

4.8.- Ingurumenarekin jardunbide arduratsua eta iraunkorra (5 puntu). Egiaztatutako jardunbide bakoitzarengatik puntu 1; eta, gehienez ere, 5 puntu.

## 5.- EMAKIDA

Muga ezarri da, 3.000 eurokoa, Udalak egitasmo bakoitzari, gehienez, eman diezkiekeen diru-laguntzarako.

Elkarte bakoitzak –gehienez- aurkeztu dezakeen egitasmo kopuruari dagokionez, muga ezarri da: elkarte bakoitzeko, gehienez, hiru egitasmo aurkeztu daitezke.

Entitate eskatzaileei ematen ahal zaizkien laguntzen portzentajeak deialdi honetako 4. artikulua dioenari jarraiki (balorazio irizpideak eskaerentzat) aplikatuko dira, eta aurrekontuaren erabilgarritasun-egoera kontuan hartuta, betiere.

Emango den diru-laguntza ateratzeko segidako taula aplikatuko da:

Lortutako puntuak	% gehienekoa, onartutako zenbatekoaren gainean	Gehieneko zenbatekoa
70 baino gehiago 100 punturaino	% 90	3.000,00 €
50 baino gehiago 70 punturaino	% 80	2.000,00 €
30etik 50 punturaino	% 70	1.300,00 €
30 puntu baino gutxiago	Kanpo geratuko dira	Kanpo geratuko dira

Egitasmoen puntuekin lotuta dauden zenbatekoak gehienezko diru-laguntzak dira; baina, zenbateko horiek baino kopuru txikiagoa duten diru-laguntzak eman daitezke, egindako balorazioaren ondorioz eta aurrekontuaren erabilgarritasun-egoeratik.

Goiko taularekin bat, lortutako puntuen arabera egingo da banaketa. Puntu gehien lortu dituen egitasmoarekin hasi eta eman diren gainontzeko diru-laguntzekin jarraituta, horiek eman ahala kontusaileko saldoa agortu egingo delarik.

Jasotako eskaerekin deialdi honetako diru-laguntzen zenbatekoa gainditzen bada, balorazioan puntu gutxien lortu dutenena bertan behera gera daiteke, edo proportzionalki banatzen ahalko da eskaeren artean diru-laguntzaren zenbatekoa, aurkeztu diren eskaeren arabera.

Halaber, Kultura arloak egiten dituen diru-laguntzetako deialdietatik soberazko zenbatekoa geratuko balitz, deialdi honetako diru-hornidura handitzeko erabiliko litzateke hura.

Diru-laguntza eman eta gero, onartutzat joko da interesatuak horren berri hartu eta 10 eguneko epean espresuki uko egiten ez badio. Eskatzaileak Batzordearen aurrean ager daitezzen eskatzen ahalko da, Batzordeak eskatutako edozein argibide eman dezaten.

Emandako zenbatekoa bi epetan ordainduko da (organo eskudunak zehaztutako kasu berezietan izan ezik): % 80, emakida egin ondoren, berehala. Gainontzeko % 20, jarduera egin eta 6. oinarriak aipatzen duen derrigorrezko memoria aurkeztu eta gero.

## 6.- BETEBEHARRAK

Onuradunek nahitaez egin beharko dute proiektua onartutakoarekin bat, eta diru-laguntza jaso duen jarduera egin bitartean izandako edozein gertakariren berri eman beharko dute gertatu eta berehala.

Horretaz gain, jardueraren zabalkuntzan derrigorrez euskeraz eta erderaz aipatu beharko da Barañaingo Udaleko Kultura Arloaren laguntza jaso dutela; hartara, Udalaren eta Kultura Etxearen logotipoak jarri beharko dira. Logotipo horiek Kultura Etxean eskatu.

Jardueraren txostena, edukia eta zein modutan egin den, balantze ekonomikoa (gastuak eta diru-sarrerak) eta jarduera egin bitartean izandako fakturen egiaztagiriak edo horien fotokopia konpultsatuak eta hauen ordainketa agiriak **2018ko urtarrilaren 19ko 14:00ak** baino lehen aurkeztu beharko dira, indarrean dagoen legediari jarraiki eta III. Eranskina orria erabilita eredu, Barañaingo Udaletxeko Herritarrak Hartzeko Bulegoan. Indarreko legeriarekin bat aurkezten diren fakturek baino ez dute baliorik izanen, eta alde aurretik aurrekontuan sartutakoak (ez dira onartuko jasoagiriak eta justifikatzeko zuzenak ez diren gainerako moduak).

Jarduera irabazizkoa bilakatzen bada, udalaren diru-laguntza itzuli beharko da; lortutako irabaziaren arabera izanen da bueltatu beharrekoa.

Onartutako aurrekontuaren ehuneko bat izanen da diru-laguntzaren zenbatekoa. Azkenean izandako benetako kostua hasieran aurreikusitakoa baino txikiagoa bada, bi kostuen arteko tartearen %tan murriztuko du Batzordeak diru-laguntzaren zenbatekoa. Horregatik, aurrekontu ahalik eta zorrotzena aurkeztea aholkatzen dugu.

Diru-laguntzaren onuradunek, diru-sarrera jaso aurretik, Barañaingo Udalarekin dituzten zerga-betebeharrak egunean dauzkatela egiaztatu beharko dute.

Deialdi honetako baldintzaren bat beteko ez balitz edota memoria aipatutako epeetan aurkeztuko ez balitz, diru-laguntza bertan behera utzi eta emandako zenbatekoa itzularaztea erabaki lezake organo eskudunak.

## **7.- ARAUTEGI ERREGULATZAILEA**

Honako Deialdi hau bertan jasota dauden baldintzekin kudeatuko da, eta, oinarri hauetan aurrez ikusi ez den orotan, aginduko du ondoko araudiak: Diru-laguntzei buruzko azaroaren 17ko 38/2003 Lege Orokorra; Nafarroako Toki Administrazioari buruzko Foru Legea; Nafarroako Toki Ogasunei buruzko Foru Legea; Barañaingo Udalaren diru-laguntza emateak arautzen dituen Ordenantza; Nafarroako Ogasun Publikoari buruzko Foru Legea; eta, arau osagarri gisa, Aurrekontuen Lege Orokorra, eta diru-laguntzei buruzko Estatuko Araudia.

## **8.- HELEGITEAK**

Oinarri hauen eta horiek betearazteko egintzen aurka ondoko errekurtsio hauetakoren bat paratzen ahalko da:

- 1.- Jakinarazi eta hurrengo hilabetea amaitu aurretik, eta nahiz gero, Birjarpeneko errekurtsua, erabakia hartu duen udal-organoaren aurrean (39/2015 Legea, urriaren 1ekoa, Administrazio-Prozedura Erkidea); birjarpenekoa aurkeztuz gero, ezin izango da ez gorako errekurtsua ez administrazioarekiko auzi-errekurtsua jarri, birjarpenekoa ebatzi edo ustez ezetsi arte. Birjarpenekoaren ebazpenaren aurka ezin izango da beste birjarpeneko errekurtsua aurkeztu.
- 2.- Jakinarazi eta hilabete bat igaro aurretik, eta nahiz gero, Gorako errekurtsua Nafarroako Auzitegi Administratiboaren aurrean (6/1990 Foru Legea, uztailaren 2koa). Gorakoa aurkeztuz gero, ezin izango da administrazioarekiko auzi-errekurtsua jarri gorakoa espresuki ebatzi edo ustez ezetsi arte.
- 3.- Jakinarazi eta hurrengo egunetik hasita, hurrengo bi hilabeteak amaitu aurretik, Administrazioarekiko auzi-errekurtsua aipatu jurisdikzioaren organo eskudunaren aurrean (29/1998 Legea, uztailaren 13koa).

